

Broj: IN-0293/11-03 VT
Banjaluka, 15.12.2011. godine

Na osnovu člana 61. Zakona o upravi („Službeni glasnik BiH“ broj 32/02) i člana 33. Pravilnika o načinu i formi deponovanja autorskih djela i predmeta srodnih prava i o njihovom upisivanju u knjigu evidencije („Službeni glasnik BiH“ br.28/11), direktorica Instituta za intelektualno vlasništvo Bosne i Hercegovine **d o n o s i**

O D L U K U
o određivanju identifikacionog broja za upis u knjigu evidencije autorskog djela i predmeta srodnih prava

Član 1.

Ovom odlukom utvrđuje se način dodjeljivanja identifikacionog broja prilikom upisa u knjigu evidencije deponovanih autorskih djela i predmeta srodnih prava u Institutu za intelektualno vlasništvo Bosne i Hercegovine (u daljem tekstu: Institut)

Član 2.

Deponovanjem autorskih djela i predmeta srodnih prava u Institutu za intelektualno vlasništvo i njihovim upisivanjem u knjigu evidencije djelo dobija identifikacioni broj koji se sastoji od oznake odjeljka u koji se upisuje, rednog broja upisa (počev od broja 01 u rastućem nizu) i datuma upisivanja u knjigu evidencije, na način da se upisuje dan, mjesec i godina upisa, a zatim identifikacioni broj (primjer za djela koja se upisuju u odjeljak pisana i govorna djela: P-01/godina upisa).

Član 3.

Knjiga evidencije autorskih djela sastoji se od osam odjeljaka, u zavisnosti od vrste djela koja se upisuje, sa sljedećim oznakama:

- a) Odjeljak **P** - obuhvata pisana i govorna djela;
- b) Odjeljak **L** - obuhvata likovna djela, djela kostimografije i djela scenografije;
- c) Odjeljak **A** - obuhvata djela arhitekture, primjenjene umjetnosti, grafičkog oblikovanja i industrijskog oblikovanja;
- d) Odjeljak **F** - obuhvata fotografska djela;
- e) Odjeljak **M** - obuhvata muzička i dramsko-muzička djela;
- f) Odjeljak **Av** - obuhvata audiovizuelna djela;
- g) Odjeljak **Kp** – obuhvata kompjuterske programe i elektronske baze podataka prema članu 7. Zakona;
- h) Odjeljak **O** – obuhvata sva druga djela koja ne potpadaju u neki od već spomenutih odjeljaka.

Član 4.

Knjiga evidencije predmeta srodnih prava sastoji se od šest odjeljaka, u zavisnosti od vrste predmeta srodnih prava koja se upisuju, sa sljedećim oznakama:


- a) Odjeljak **Izv** - obuhvata sve vrste izvođenja;
- b) Odjeljak **Fon** - obuhvata fonograme proizvođača fonograma;
- c) Odjeljak **Vid** - obuhvata videograme filmskih producenata;
- d) Odjeljak **Ems** - obuhvata emisije organizacija za radiodifuziju;
- e) Odjeljak **Izd** - obuhvata izdanja izdavača neobjavljenih slobodnih djela i kritičnih i naučnih izdanja slobodnih djela;
- f) Odjeljak **Pbp** – obuhvata baze podataka proizvođača baze podataka prema članu 141. Zakona.

Član 5.

Identifikacioni broj pod kojim se djelo upisuje u knjigu evidencije u skladu sa ovom odlukom upisuje se u ispravu o deponovanju i upisivanju djela u knjigu evidencije autorskog djela i predmeta srodnih prava koju izdaje Institut.

Član 6.

Ova odluka stupa na snagu danom donošenja.



Dijana Vignjević
Direktorica